

皇明常熟文獻志卷之五

邑人管一德士恒

誤次

科第志

正德二年丁卯科

陳寰 察之弟字原大號琴溪第三名經魁辛未
第九名會魁

由翰林庶吉士授檢討大內災公上書言勤政
節用絕逸欲禁橫歛諸事語多戇戾俸半年因
謝病歸嘉靖初修 毅皇帝實錄召仍檢討公

上疏請復古左右史紀言動毋令他日汶國是
又言 文皇帝下金陵諸緣故主駢僂者請人
賜一傳庶有以風示永永不報尋充經筵講官
內艱歸服除再補原官時新貴人繇議禮驟遷
欲風致公爲助公不從遷南京國子司業再謝
病歸繇薦乃起爲國子司業時議尊孔子爲先
師毋得仍王號而言者遂欲併殺文廟器物公
持不可曰 陛下稱孔子爲先師蓋尊之也尊
之則闕里制當益不當裁 上是之俄超南京

國子祭酒公前後蒞太學者三其大指尚寬輔
法而行繼增城湛公而爲祭酒諸生德之以爲
尊莫如湛公親莫如陳公也有助教劉某者上
封事多所譴忤徵下獄柄臣疑其出自公指銜
公公遂致仕又四年而長公亦罷中丞歸間出
而鴈行鬚眉盡白簪履甚都邑人嘖嘖歎指曰
此二陳先生也公卒年六十三有集十二卷善
大書骨最清貴

子文周號太湖監生授光祿寺監事侍從 穆

廟青宮講學 肅皇帝親灑瓊翰作中正二字
特賜之後陞大同府通判以禦虜功有白金文
綺之賜再陞廣東鹽運司提舉兼攝府佐二縣
令一市舶事併提舉爲五皆異數也是時嚴文
靖爲冢宰實爲之地而公亦自有幹畧

文周子欽明庠生耻籍其家聲力欲以

文學自振嘗

曰士不登第奚用生爲試應天不第據案號叫
遘疾卒妻華氏守節撫孤是爲繩武

蔣公以忠
有豪士傳

王舜漁

時年十九宗錫之姪號石溪丁丑進士

初任工部主事權稅杭州改刑部尋晉員外郎
轄錦衣衛久之遷山東按察司僉事整飭武定
兵備兩丁憂服除銓司扣補原官分巡遼海東
寧道東寧軍民雜揉邊圉多事號稱難治公鋤
強植弱寬嚴得宜是時邊墻頽圯延袤千餘里
撫臣潘公命之董修衆皆難之公經畫規度凡
三月而百雉屹然事聞有白金文綺之賜尋遷
山東副使整飭臨清兵備有巡河使者劉某劾

奏公不法事有 旨各回籍聽勘忽一夕奄逝
年四十七今祀鄉賢 灌公若水誌

聞東昌 武之子字會卿甲戌進士

初授工部主事未上卒于途

程淳

宗之

字實夫初授嚴州府推官陞順天府通

判保定府同知

丁奉

字獻之號南湖戊辰進士居尚湖南

少失父孤貧備嘗艱苦淬勵舉子業治毛詩兼
通諸經史攻古詩文其經義精麗學者誦習之

多取上第去會試居本房第一明年 上命吏
部以進士試御史太宰首以公應選公以養母
力辭懇乞南曹遂授南京吏部文選司主事晉
驗封司郎中有考功郎某者自誇爲有權公詭
之遂見銜會丁內艱歸明年京察郎遂爲蜚語
中之當左遷時六科給事爲之不平上疏稱枉
有 旨諭吏部擢用時太宰陸公完手書數四
趣公赴部公竟懇疏乞休併致書太宰勸其功
成身退太宰覆奏公原職致仕年方三十八耳

常嘉志 卷一
士論高之遂得縱情詩酒寄傲湖山與方公鵬
陳公察相友善已乃沉酣六籍訓註五經究聖
賢之本旨訂儒先之謬誤又著通鑑節要五十
卷參之綱目以定褒貶檢之二十一史以覈事
實作贊斷千餘條俱梓行于世今附綱鑑中外
有南湖留稿十二卷撫臺歐陽公欲發帑羨爲
助以廣其傳而公念故友湯憲副繼文五喪未
舉卽以此賻之世尤稱其高誼卒年六十三

公所著又有五經臆言剖析疑義能解人頤雖
專門名家有所不逮子健號柴溪价號苗涇任
號後涇俱有才華而健价俱廩生

浦旒 字允中號葵誠居九里登用戊進士初
任刑部主事尋卒

瞿奎 字文華任青田縣知縣

正德五年庚午科

韋松 字惟真後復姓龔

王留 字存甫號南郭任饒州府通判有才名

所著有廻文詩稿人傳誦之卒年八十餘

嵇元鳳 字世賢由歲貢中式任南寧府推官

馮冠 玘之子字正伯號南濱癸未進士

少病癩癘幾殆有異僧視之曰此鼠癩也以藥
畀之令與猫肉竝進已而有肉如鼠者數十從
創中出遂愈既壯善彈琵琶歌金元曲五上公
車未嘗挾策惟挾琵琶而已既釋褐授河南鄧
州知州以失備兵使者意自劾不任改國子監
博士遷工部主事預修 啟祥宮有白金文綺

之賜晉至郎中遷湖廣衡州知府蒞任甫二旬
尋卒于官年六十大居官無所濡染居鄉無所
請託郡守王公儀者公同年也往謁之門者不
爲通且掩賓館辱力拒既而王公出迎公大謾
罵之王媿謝不已而公終身謝絕不復與見其
耿介如此

周懋 楷之子字元政丙戌進士警敏通世務

初任定海縣知縣有吏才與浙江鄉試事卒于
場中

周氏父子登科第者凡四周木周炯父子也周
炯周坦又父子也周彬周光宙父子也周楷周
懋亦父子也是他姓所無

正德八年癸酉科

茅貢

字承禹號白沙居沙頭之南由歲貢中

武登甲戌進士初任刑部主事晉至郎中遷雲
南府知府陞副使致仕後割隸太倉

王舜耕

舜漁之兄字于田號兩湖兄弟同登丁

丑進士吾邑惟兩家

初任廬陵縣知縣值 武皇帝南狩公當迎駕

于士民無所擾監司賢之擢監察御史尋丁憂

服除補原官巡理長蘆釐法上便宜七事自是

釐政疏通商竈兩便屬北畿督學員缺公代署

其事再巡按河南一切請託俱謝絕屬歲大旱

減省厨傳供億以至薦紳餽遺之費槩行裁約

人多銜之癸巳京察謫光州州判再改濱州致

仕今祀鄉賢

瞿公景淳撰墓碣

李應虞 應夔之弟字仁卿任仁壽縣知縣

謝表

癸未進士字子正號小峯初任太常博士遷刑部主事晉至郎中致仕卒居任陽

士遷刑部主事晉至郎中致仕卒居任陽

正德十一年丙子科

周光宙 解元彬之子號文川由順天中式

初名照後以字行是時汪文莊公顧文康公為

考官得公卷大奇之拔第一阨于春官凡十餘

上卒不第公亦自厭棄之徘徊山澤間先是嘉

靖初工部李尚書拊循三吳以水利諮公公為

條對甚悉自是有白茆之役邑故無城癸丑屬

倭警公與議城之城址多侵民居公中侵獨多

弗恤也前後觀風使者如尚公維持輩式其間

表以棹楔曰士元人瑞公忼慨敢言出入駟從

雍容甚都士林俱莊事之卒年八十有八 王公

世貞撰誌

沈韓 海之長子由順天中式癸未進士號愛

葵初任曹州知州曹故逼河數患河決公築長

堤城外仍植柳以固之先是夫役太濫公務節

縮歲減夫錢十萬有奇會歲稔發粟賑饑已又

增葺黌舍以作新士類諸事俱當人心而獨于
吏胥輩嫉之太深雖小過必加箠楚有給由吏
號訴部堂誣構公過欲爲曹民乞命遂遷慶府
長史尋致仕居家訓迪子姓暇則營構山園奇
花異卉修竹茂林具酒速客笑傲酣歌享有歸
田之樂卒年六十八

錢學

由順天中式號奚川居奚浦任烏程知

縣歸田後賀壽七十父椿年亦九十人爭美之
此西北區錢氏發科之始裔出武肅王之後有

奚浦祿園二派族甚鉅後有錢籍錢泮錢庶錢
之選錢順時錢順德錢岱錢時俊俱甲科錢允
錢大法錢達道俱鄉科凡十二人

陳鈺

由留守衛籍順天中式己丑進士任工

部主事

孫舟

紀之孫丁丑進士號雲津任工部主事

引疾歸尋卒

公父名文號西川讀古文辭博綜羣籍兼習書
繪嗜古名畫玩器稱好事家又稱鑒賞家雅好

客觴組交于座中履綦皆于戶外樗蒲一擲五百金父喪致客以千數其豪俠如此尤長于詩所著有西川集封工部主事

楊儀

舫之子丙戌進士字夢羽號五川

初任工部主事轉兵禮二部晉至郎中以廉能稱時北虜入貢瀆擾都下邀厚賞公召其酋長宣諭朝廷威德靡不稽首服一時休聲籍甚宰相夏文愍公折節下公一疏一表多公代筆有政事大謀議必諮公太常典樂廢失音律命公

與張卿考訂公纂成樂書爲張卿所格時論惜之秩滿陞山東按察司副使備兵霸州名曰擢之實外之也夏公以詞餞之云可惜文儒却使提兵盜賊區公亦自念用違其材胸臆約結遂致仕公才如倚馬辨若懸河雅善詞賦而字法尤精詣肯綮所著有南宮集高坡異纂行于世又嘗爲甘泉湛公纂格物通考廿卷諸詩文撰述莫可殫記嘗有聞鴈詩云萬里碧秋秦領潤一聲黃葉楚雲深于時膾炙人口尤號嗜古書

好聚繆帙家有萬卷樓而所蓄法書名畫古器亦稱是江左推爲博雅然性自高充傲睨一世爲時所忌嫉一朝構禍而同邑縉紳某下之石焉家貲蕩然公亦尋卒一女適雲間學憲莫如忠而其子雲卿能讀外王父書多携公所藏書去其僅存者子孫不能守靡廢殆盡物無聚而不散嗚呼惜哉

沈公應魁撰志

公有二姊孀居公爲之推食分宅以居存歿從厚縣大尹義之題其巷曰周沈巷扁曰雙節里

李勳

字成夫號三塘任廣州府通判居唐市

夏玉麟

字仁甫號鐵峰癸未進士

公爲制舉義有名時有督學使者張公鰲山嚴覈學政諸生不寒而栗公謄卷完朗吟擊節旁若無人及發案果舉第一其所撰子產生魚文至今膾炙人口舉進士初任刑部主事晉至郎中遷建寧知府改調黎平府致仕

鄧毅

本蔡姓由歲貢中式字文度號粹堂

公爲諸生時博綜經史已負文章重名而內行

亦醇謹邑令楊公子器深器之憫公貧嘗以幣
金羨餘致餽會有巨室坐事俾出貲葺公廬公
悉謝却楊公益高之居家言動必取法古人既
累上春官不第益杜門養高部使邑大夫就訪
則一出咨以公事則對他則否欲召見則辭新
昌沃洲呂公按蘇延公詢訪水利時有郡倅坐
事來謁求援公峻却之且以不見信于人自咎
邑令馮公汝弼聘修常熟志公爲稽故實補遺
逸嚴義例凡得十三卷蓋亦一時之成書也惜

當時文氣多沿勝國公亦不能盡脫耳其科貢
志由唐貞觀中迄我明嘉靖十六年止又嘗
應濮陽李公聘修濮州志若干卷外又有詩文
集泉坊日錄若干卷素有大志嘗做呂文成公
大事記日取古今事宜之大者論次得失類成
卷帙曰如有用我執此以往然竟以儒服終其
身公少時頭顱有異骨如峰起有術者相之曰
是兒異日當以學行名世享有遐齒惜不當事
任耳後果如其言卒年八十八兩臺歐陽公鐸

呂公光洵嘗爲建尚志坊旣歿崇祀鄉賢

公有子名廷薦號臺山賢而有文詩得庾鮑之致文模擬西京畫亦精密而時時有象外意大都品格當在乃翁之上孫光晟亦端方博雅無錫顧公憲成嚴事之後延至京師墜馬死科目之外類多軼才湮沒弗著予故表而出之

陳迥

播之子字良會號魯山丁丑進士

時年二十五初任惠安知縣調繁福清縣擢監察御史巡視中城會議 獻廟大禮公倡同列

抗疏極論桂文襄公而兩御史已逮繫公復抗疏救之忤 旨廷杖下獄謫合浦縣主簿是時王文成總制兩廣倡明道學見公而器之移書嘉獎遷江西新喻知縣再遷大名府同知尋陞福建按察司僉事備兵福寧道時古田相傳礦發羽書旁午處州流民操刃來爭公引兵入深阻俘其賊黨因封錮其山以歸民得按堵還河南按察司副使時 肅皇帝南巡幸承天公兼程而進以扈駕自任有巨璫其要重賄不得遂

銜公適 上召一宮人以泥濘屬車不得前瑞
從旁嗾曰此誰扈駕而稽慢若是再廷杖削籍
甲辰 九廟告成推恩再復原官前後撫按交
章薦公而公堅臥不起所著有石淙山人漫稿
今祀鄉賢入合浦名宦祠

正德十四年己卯科

張鳳來 第四名經魁辛巳進士字子庭號雪峰
初任工部主事權稅杭州遷刑部員外郎慮囚
福建會京察當左遷外補遂請告歸有文名而

父母昆弟頗有間言

繆尚志

亞魁字行達號虞臺任

漢陽府通判

王評

槐之從弟字審言癸未進士

初任刑部主事其用法也孤立行一意無所縱
舍以親老不便迎養改南尋丁內艱歸病卒年
四十二

張京安

學之子字康甫號果齋癸未進士

初爲制舉義有名既釋褐授南京刑部主事于
律比不甚了了既廣詢諸僚始得明習晉至員

外郎會考京職公素與郎中藍某相矛盾又有
 吏部郎者嘗以杜某事囑托公不應二人媒孽
 公遂左遷解州同知再以違例當得調改建寧
 府學教授辛卯分校順天府鄉試尋丁內艱服
 除補南京國子監助教再入為刑部主事緣有
 耳疾乞改居散地因徙外為益王府長史王
 府祿米多為儉狹乾沒公清查徵入之王厚為
 錫賚尋罷歸

鄧公敏撰誌

公有子名文元號檜谷負奇崛盛氣槩師事蔡

九達學問宏洽而好品隲人物其論近代詞垣
 宗工不直取何李而所意注者獨武功康德涇
 北地崔子鍾而近則粵黃佐所與游從者皆一
 時輕世傲物之士每暗邸報見時事有不可輒
 彈指唾罵及見里中新貴人有結駟連騎而恣
 蒼頭擾其粉榆者往往裂眦罵之猶罵其佞之
 者蓋有古貌古骨焉而輕佻少年竊笑之以為
 迂怪也

錢籍

學之族字汝載號海山壬辰進士居祿

園初第時嘗賦江南春詞爲宰相夏令言所賞
擬入中秘不果授浙江遂安知縣捕格劇盜有
治辦名分校浙江鄉試嘗識茅公坤卷而拔之
以爲國士後茅果以文章名重天下擢南京監
察御史職屯田以責齊庶人過當免官性故侷
儻才復瞻麗既歸益縱情詩酒其爲詩語取暢
心占惟信口皇甫子循輩俱稱賞之嘗言天地
間培塿凹凸足供吾搜剔者無限以虞山佳麗
而奇絕勝處久湮沒土石中恐爲山靈所笑乃

闢劔門剏樓三楹復亭于其上大書一聯句云
無邊風月憑嘲弄有主江山屬剪裁游人多指
摘之至入御史白簡家最侈富僮僕數千指不
能繩束之多行不義波及主人田園居第歌舞
紈綺鉅萬之貲盡爲市井所劫奪諸子飄零譬
之失林之鳥而公奇死吳閭亦縉紳之大變也
卒年八十五所著有海山集六卷子審言亦能

詩

事見錢氏家乘

連璧

憲之姪字完卿號琴泉初任高安知縣

再任柘城知縣

錢璠

仁夫子字國用由順天中式

初任奉化縣知縣按寧波志云在任六年妻子未嘗自隨臨民絕無炫飾秋毫不取于民雖自食之粟必取給于家尤留心民瘼如倪家碛崩剝不時璠蠲俸餘以修之惠利久遠戴德瘳死文君難未有表章璠創為之祠扁曰顯忠手著祠文極其激烈又以奉化志踈畧混淆乃稽查訂正去取精確有裨風化暇日留心書史以資

仕學陸雲南府通判致仕所著有五經旁註古文會編詩韻釋義

褚應韶 字鳴陽號謙齋由順天中式居福山任仁壽知縣卒于途

時夏 中之子字亨甫號二湖由順天中式任浙江江山知縣土地闢獄訟清弊孔剔亦有聲稱致仕歸又二十年而卒

周坦 炯之子字孟平號白江由順天中式席其家勢頗虐使居民民有怨聲時周氏三世科

第俱少年臈發木年二十八燭年二十一坦年
二十四邑中艷稱之

嘉靖元年壬午科

陳交

言之弟字汝同號敬軒初授浙江永康
知縣永康道通五省驛傳疲弊公稍稍裁抑繁
費使客俱不便之遂改調湖廣興寧嘗禱雨雨
應監司爲建靈雨坊紀其事又邑有虎患公令
民編竹爲戶禦以藥弩虎出他境以去尋致仕
歸生平端方清慎居官亦有廉名卒年八十餘

顧津

字子問

蘇子來

本顧姓字應期子顧一龍長于作

陸堂

字子升號毅齋癸未進士初任禮部主

事晉至郎中擢撫州知府却苞苴直絕請託其治
責大指而已至所執一定屹不可移故法令雖
寬而吏不能鉤致百姓一錢遷江西按察司副
使嘗以便宜持節發粟賑饑民所全活甚衆再
遷河南右叅政二子相繼天歿遂致仕居家好
談神仙卒年七十六無子甫蓋棺而田宅易姓

張文鳳 文麟從弟由歲貢中式字公肅號立齋

己丑進士初伯父堯民授以文公小學公

憬然有悟後爲文根極理趣得于小學者

與從兄文麟同時競爽時號二張後膺貢

登第初任廣東新會知縣治尚寬和禁網疎濶

做古寓兵于農之意團結鄉民以備戰守嘉靖

辛卯與廣東場事識林公大欽于衆中謂當大

魁天下明年廷試果林公第一厓山在海南有

三忠祠祀文公天祥張公世傑陸公秀夫故事

有司率就海涯望祭之公春秋二祭必航海拜

于祠下感嘔嗽嗽外艱歸服除再補內黃其治

如新會所去見思立碑勒石耀工部主事理徂

徠泉源尋晉郎中嘉靖辛丑河決 上命兵部

侍郎王公都御史郭公督視公謂四湖俱屬運

道而安山湖久堙宜急濬之議遂決凡三月底

績遷擢贛州知府尋致仕卒年八十三

華周

字尚文號月川任邵武府推官官不

事事自飲酒類唐貴要往來失不禮以是免

文麟從弟由歲貢中式字公肅號立齋

已丑進士初伯父堯民授以文公小學公

憬然有悟後為文根極理趣得于小學者

與從兄文麟同時競爽時號二張後膺貢

登第初任廣東新會知縣治尚寬和禁網疎濶

倣古寓兵于農之意團結鄉民以備戰守嘉靖

辛卯與廣東場事識林公大欽于眾中謂當大

魁天下明年廷試果林公第一厓山在海南有

三忠祠祀文公天祥張公世傑陸公秀夫故事

有司率就海涯望祭之公春秋二祭必航海拜

于祠下感慨嗷嗷外艱歸服除再補內黃其治

如新會所去見思立碑勒石權工部主事理徂

徠泉源尋晉郎中嘉靖辛丑河決上命兵部

侍郎王公都御史郭公督視公謂四湖俱關運

道而安山湖久堙宜急濬之議遂決凡三月底

績遂擢贛州知府尋致仕卒年八十三

華周

字尚文號月川任邵武府推官是官不

事事自飲酒類唐貴要往來失不齊以是免

歸歸猶日載酒謹呼至落魄以卒

沈寅

由順天中式字伯恭號鶴洲丙戌進士

少善大書邑人目爲奇童初授江西進賢知縣政尚聲譽事無劇易剖決如流翹然願試其奇擢工部主事尋卒

范來賢

由順天中式己丑進士字昌國號西虞

居大河初任桐鄉知縣按嘉興府名宦志云來賢英察果斷聰明有餘陞刑部主事轉兵部晉職方司郎中遷武昌府知府丁內艱服除補延

平府陞湖廣按察司副使致仕卒

事蹟未詳

嘉靖四年乙酉科

徐與言

字孝宣

繆中孚

字信卿號守堂記誦該洽爲制舉義有

名初授虔州府推官遷瑞州府通判生平雅不樂仕進至是懇疏致仕卒年六十七無子

嘉靖七年戊子科

朱木

寅之子字子喬號守愚由順天中式登

甲辰進士初任山東昌樂知縣有治聲擢南臺

御史巡視上江內艱歸服除拜山東道御史兼
攝四道縮印疊繫忽以株累廷杖謫鄭州判官
亾何兩浙軍興當道檄公治兵于浙遂遷遂安
知縣有礦盜嘯聚者勢叵測公諭以禍福尋解
散再遷敘州府同知遂懇疏致仕邑倉故在關
外公謂國家四十萬所貯亟以關內膏腴易建
之其奉公如此卒年六十七家無餘貲

時春

中之子字元甫號一山由順天中式任

雞澤知縣卒年七十餘

趙承謙

戊戌進士時年五十五字德光號益齋

其先宋宗室初爲江陰人公大父養于常熟遂

爲常熟人既釋褐授江西贛州府推官召爲南

京吏部文選司主事晉驗封郎中遷廣東布政

司叅議其在廣東時與兵備僉事尤瑛合筴撫

安嶺寇李文彪等得不亂人謂公得治寇要領

公爲人魁岸倣儻人或無道觸之則張目叱咤

不少容稍已伸則復歡然無留愆故人雖巖事

公而不及怨然亦竟用以此罷卒年八十二

王

陳潛

本蔣姓字用之號龍澗

施雨

本桑姓瑾之從曾孫壬辰進士字潤之

號文峯初授刑部主事時壽寧侯坐法逮繫部郎某以皇太后母弟故少縱舍事覺肅皇

帝怒甚下令杖之株引及公旋謫濮州同知與山東鄉試事交郡曹單間多少年亡賴相與探丸爲彈剽劫行者公厲法禁使吏民相告訐群盜脅息亡命散走曹單遂稱治焉陞南京刑部主事晉至郎中遷廣東按察司僉事備兵潮惠多用游徼法禁戢群盜有治辦名會中御史白簡免官歸卜築城西山光水色引接几席意甚欣暢後以哭子膏一目卒年七十二

嘉靖十年辛卯科

錢兌

學之子順天中式字仲貞號濟川居吳

浦公父子同上公車前此未有也初授應天府推官改順天出爲道州知州久之遷潮州府同知被論免官

王之夔 舜耕子字汝和號水簾

章蔡 格之孫字宗肅號北城初罷春官歸聞

增城湛公若水高陵呂公柎竝以八座居留都

聚徒講學卽入南太學兩游其門後謁選得單

縣知縣單潁河而地窪下每歲春水漲河南人

渡河盜決河防民患苦之公爲伐木增椿晝夜

捍禦卒以無虞山東大盜竄入單縣界者公悉

以計獲之遷安吉州知州再遷永州府同知上

疏乞休方治行而卒 歸公有光撰傳

許河 字子澄號水東居唐市任浙江浦江知

縣憂歸復補新蔡縣有從子應科號孟山有文

名所構毛詩義得唐瞿風格惜也艱于一第需

次歲貢竟卒

顧玉柱 字臺卿號一江壬辰進士居支塘鳳凰

涇初任南京工部主事改北晉郎中外艱歸服

除補刑部郎中值春祈穀坐失陪祀左遷道州

州同量移平陽府通判尋陞代州知州再歷河

間府同知後召爲南京刑部郎中未上擢大名

府知府遷山東按察司副使庚戌秋虜闖入塞
公適以入賀至京被命按視兵營壁壘時變起
倉卒士伍搶攘公躍馬馳塵埃中無暇休沐且
飯遂得頭暈疾會宰相嚴嵩亦以他事曠公公
遂懇疏致仕性故伉直喜任事先是嘉靖中吳
興沈公以常熟燥濕異宜沃瘠異土嘗計畝定
稅三則其豪長者不無詭匿公議更度田攤稅
乃躬巡阡陌手操尺量而圖之民間譁然議竟

格然賴公首發其弊後匿田稍稍出矣倭夷之
警公首捐金助城役夷薄城下公守東南隅身
御矢石散粟予編伍民佐邑令王公缺議守白
節三丈諸浦俱有策畧居恒好談古節俠事抵
掌慷慨恨不一致身其間卒年六十五

曾祖立以邑掾仕至雲和知縣子耿光號曲江
亦有策畧嘗從邑令所建言民間利害蓋布衣
之雄傑也

王賚汝 本盛姓字與之號劔崖初舅氏王翁迎

養其母因撫育公遂襲王姓後公貴仍復盛姓
初授新鄉知縣尋丁內艱服除補增城縣遷崖
州知州兩邑俱信愛懷思相與尸祝之再遷開
封府同知擢漢陽府知府免官歸卒年八十有
二無子爲諸生時常月夜獨行道遇魍魎公厲
聲叱之魍魎旁行而去公乃私喜自負焉所著
有劔崖詩鈔行于世

桑介

瑾之子字于石號白崖由歲貢中式初
在南雍時湛公若水林公文俊相繼爲大司成

公條陳十二策如祀周公完六經等議皆書生
所不能言者後謁選得滋陽知縣有豪倚宗藩
橫奪田廬子女者法之豪者叩公遂拂衣歸僅
三月耳當道奏改天河竟不往嘗讀蘇子瞻和
淵明詩而好之因著和陶集十六卷與文徵仲
賡吟集竝梓行于世器度坦直生平無委瑣態
于大協舉人

嘉靖十三年甲午科

陳諫

復之子字信可號愛鶴庚戌進士

廷試二甲二名初任刑部主事慮囚順天等八
郡爛干律令以明允稱晉至郎中卹刑福建未
上遷四川重慶府知府監司署爲嚴明廉謹尋
被命採木公乃親督部民入夜郎窮崖谷七閱
月乃還郡得巨材甚饒有分巡僉事某索賂不
得遂以蜚語中公免官歸以酒自娛會從子莊
靖公受廷杖公得報驚悸嘔血居以何卒年五
十五公早承父業資用頗饒後敷歷中外產不
加殖亦可想其槩云

公鄉書名列二十一從

子莊靖公亦二十一

瞿公景淳撰誌

錢泮

籍之族弟字鳴教號雲江乙未進士居

祿園初任福建侯官知縣調繁浙江慈谿縣擢

刑部主事晉至郎中遷四川重慶府知府再遷

陝西按察司副使兵備漢中嘗發粟賑饑民所

全活甚衆晉江西左叅政歸時倭夷亂吳邑令

王公鈇善騎射銳志勦夷公有兩蒼頭亦善射

夷自吳門劫關稅巨萬奪民船載之取道尚湖

入海公廉得其狀邀王公急追至讓塘猝與夷
遇夷詭藏其精銳而使一二孱弱者嘗我師我
師馳赴夷伏四起遂戕殺公併及王公而公兩
蒼頭亦遇害是時賊鋒甚銳東南數十州郡不
習兵革者百年督府檄召河朔健卒 天子亦
徵天下材官騎士及其宿將迎擊之然且覆軍
殺將甚者陷城邑而公僅以數十人當之譬之
徒手而遇蜥蜴書生不曉暢兵事輕敵殺身可
悲也已事聞 詔贈光祿 卿蔭一子世襲錦

衣百戶諭祭立祠額曰褒忠子十三人

文公徵
明撰志

徐甸

字子服號訥齋登科後安貧固守謁選

得廣東增城知縣聞湛公若水倡明理學數過
從講論遂書齋莊中正四字以自佩嘉靖戊午
分校廣東鄉試尋致仕歸時巖文靖爲冢宰與
公爲姻黨公絕不通一刺人稱其恬澹云

吳恩

號白海任某府同知居府城

嘉靖十六年丁酉科

是科江汝璧歐陽衢爲考官進呈試錄以批語

失填官名而策對中語多譏訕考官以下俱逮
治所中式舉人俱不許會試

嚴訥

字敏卿號養齋辛丑進士

其先吳縣人至公王父始徙常熟公初選翰林
庶吉士授編修丁未同考會試垂九載當遷上
疏請告凡三載再補原官俄進侍讀主乙卯應
天鄉試時江南中倭後歲復儉其遺黎不勝誅
求公上疏請下大司農得全免歲徵吳人至今
稱焉 肅皇帝日坐行宮為祠釐一時文學侍

從之臣多應制撰述公以非所習辭不許已而
旦夕恪共其事以此 聖眷益隆賞賚屢下亡
何起拜學士尋進太常少卿主已未會試遂進
禮部左侍郎改吏部尋復晉禮部尚書再改吏
部前後兼學士如故其在吏部嚴飭約束遠卻
苞苴能使長安中金賤而士貴並用三途振拔
淹滯而搜剔岩穴之士殆盡歲餘與興化李公
並召直西苑加太子太保俄並進武英殿大學
士仍管吏部事始公為學士時 上特賜鶴袍

後益賜麒麟飛魚服以至繡蟒他尚方什器珍
饌兼金楮幣之屬無虛月然公意雅不欲每過
自挹損諸所拜賜輒跼踖曰老臣何以稱塞也
尋請告歸時二親尚亡恙居鄉則恭謹益甚雖
少年書生與之講釣禮出遇鮮衣怒馬狼踰而
來者輒匿與避之有以緩急告者靡不飽所欲
而去嘗置義庄以調族人晚年壘石城外稍爲
山園以自娛屬有微疾頗事方藥以至不起享
年七十有四訃聞官給葬示祭爲壇凡十二祀

一品例而加三贈少保諡文靖蔭一子澂今任
邵武知府所著有文靖公集十二卷春秋國華

十六卷祀鄉賢長子治舉人

申公時
行撰志

皇明續記云嘉靖乙丑吏部尚書嚴訥言國初
馮堅以典史而推都御史王與宗以直廳而歷
布政使請畧仿此意于雜流冗職中超擢一二
以裨盛治 上然之

王公世貞贊曰公以侍讀拜學士自倪文毅而
後無兩也故事拜太宰者不得入內閣既歸無

錫封者而公竟入內閣矣 天子念公數遷不
及封以特典封二親矣公以前內閣無及二親
者卽李文達劉文和亦獨父在耳乃公有二親
矣文達不及歸養乃公獲歸養矣公益禎福畢
革者哉

張文光 字友夫號三吳初任泗會知縣陞杭州
府同知

程大經 式之玄孫字可權號三井初任廣東樂
昌知縣樂昌爲三廣之交其地岳險而介于徭

且錯以宗藩宦于其土者往往隨豪計爲貨賄
所餌公矢志砥礪無所稍染私椒利甚鉅廣人
每假藩府行賂以冒禁公亦不爲動持其禁益
力于刑獄多所平反其俗工于釀毒每以自斃
而誣坐富人公每爲之湔洗滿考陞四川敘州
府通判未上卒年四十九

金汝礪字若金號北原初任河南永寧知縣永寧
困于征徭民多竄匿公下車以安集拊循爲事
會當路者不悅改調山東陵縣乃疏乞閒散得

衢州府學教授尋分考湖廣鄉試事竣修輯郡志是時嚴文靖爲冢宰公同年也拔公爲汝寧府通判而汝寧守爲葛公邦典又雅相善遂得建置諸法督徵積逋而河工亦與焉文靖歸公遂遷衢府審理正致仕卒年六十二

李遇春

由順天中式號雲川戊戌進士

初任福建某府推官內艱歸服除補江西袁州府陞工部主事未上時有故宦子謬相引暱欲認爲同宗者交際徵逐不勝煩擾公疲于應酬

得疾暴卒

嘉靖十九年庚子科

沈應元

海之孫亞魁字子春號巫礪初任陳州

知州稍有治績而當事者不悅改趙州尋致仕公少稟雋質五六歲輒能作徑尺大書登科後習玩紛華旣解官與里中結詩酒社日事讌遊風晨月夕山介水隈惟意所適然不事家人生產輕擲祖基至上居委巷以卒年五十九

沈應魁

應元之弟字仲文號冲玄庚戌進士

衢州府學教授尋分考湖廣鄉試事竣修輯郡志是時嚴文靖爲冢宰公同年也拔公爲汝寧府通判而汝寧守爲葛公邦典又雅相善遂得建置諸法督徵積逋而河工亦與焉文靖歸公遂遷衙府審理正致仕卒年六十二

李遇春 由順天中式號雲川戊戌進士

初任福建某府推官內艱歸服除補江西袁州府陞工部主事未上時有故宦子謬相引暱欲認爲同宗者交際徵逐不勝煩擾公疲于應酬

得疾暴卒

嘉靖十九年庚子科

沈應元 海之孫亞魁字子春號巫欄初任陳州

知州稍有治績而當事者不悅改趙州尋致仕

公少稟雋質五六歲輒能作徑尺大書登科後

習玩紛華旣解官與里中結詩酒社日事讌遊

風晨月夕山介水隈惟意所適然不事家人生

產輕擲祖基至十居委巷以卒年五十九

沈應魁 應元之弟字仲文號冲玄庚戌進士

初印本並首段下未補者全

年虜騎南侵烽火達于京師有 詔問群臣
胡計策令衛士置筆札公奮筆言擊胡事且
切亡何拜南京禮部主事值倭夷犯海上又
書言寇所由興所由縱併上制倭六事見其
舌色動後遷廣西按察司僉事罷官歸公家
毋所苦然色養甚孝天才宏放詞藻翩翩晚年
好修鍊之法誤信方士言謂丹砂可化爲黃金
遂又好黃白之術今致道觀丹井則其修鍊處
也所著有江南日錄禮部集卒年六十三

章宗實

格之孫字若虛號二山由崑山籍中式

初授福建歸化縣知縣歸化在萬山中廣盜出
沒其間時行攻掠公倡吏士乘城守以勞致疾
卒于官

章美中 丁未進士字道華號玄峰世居邑之梅

李至公父某始徙石湖今籍吳縣

初任大理寺評事晉左寺副擢江西分巡僉事
遷廣西叅議再遷四川按察司副使致仕有伉
直聲子士雅舉進士

陸經

號虞峯任饒州府推官

嘉靖二十二年癸卯科

瞿景淳

明之從曾孫甲辰會試第一廷試第二

字師道學者稱爲昆湖先生

公之首薦寔關中王允寧先生賞識之初授翰林院編修丁未癸丑兩分考會試滿九載遷侍讀丙辰復分考會試尋主武試戊午主應天鄉試前後所得多名士若興化李公太倉王公二相國尤其卓然者再晉左春坊左諭德丁內艱

歸服除補原官遷侍讀學士視翰林篆復主武試亡何以太常寺卿領南京國子監祭酒事尋遷南京吏部右侍郎其尚書缺遂攝部事尋兼攝禮工二部事隆慶初遷禮部左侍郎兼翰林學士以病不支遂力請致仕當公爲諸生時夜行巢湖中有鬼燐數百千薄舟公厲聲叱之卽應聲滅生甫十月能誦關雎詩長而工制舉義不雕飾吊詭而思若泉涌得歐之規尤得蘇之藻與茂苑王濟之晉陵唐應德鼎立稱大家而

毛詩義尤不朽誦習者至擬于經傳方未遇于
行矩武無顛賴書生之態至魁天下意未嘗自
得也貌眇小而氣端勁與貴幸大臣語侃侃無
所屈與後輩談子易溫直令人宛然想見成弘
之際 御里中銅臭 獨高簡而嚴冷卒年六
十三所著有文懿公集十六卷贈禮部尚書謚
文懿蔭一子汝稷今任辰州知府少子汝說舉
進士

嚴文靖公撰神道碑
陳莊靖公狀

王弇州傳曰公與儲公瓊其爲甲辰第一人同

其謚文懿同佐南銓而不及相以下壽終同

周應祥

號古橋由吳縣籍中式

張書紳

厚之姪孫癸丑第十名進士字思誠號

雨山初任上虞知縣時倭夷寇越公以修築賈

怨復以奔命不給爲督府所辱外艱歸服除補

瑞金縣陞金華府同知免官公八歲塾師出偶

句云鄉黨一篇無子曰卽應聲曰邦畿五節盡

詩云蓋絕對也初名草書督學章公奇其文因

改名書紳爲諸生有時名與瞿文懿相頡頏亦

復同鄉榜迨癸丑爲文懿房考第一人居家寡
諧卽骨肉皆胡越卒無子

門下士陳莊靖公撰志

繆宣

由選貢中式字時化號東洲甲辰進士

時年四十六矣初任江西泰和知縣尋以葺齋
舍免官歸志落落無所自耗乃治亭圃植嘉卉
引觴敖弄籍以自娛仍購書可萬卷子可貞以
豪舉稱邑中

瞿文懿公撰志

顧柄

字文謙號仲巖初居梅李丁未進士

初授工部主事權稅荆州內艱歸服除補原官

晉員外郎司臨清磚廠遷貴州按察司僉事再

遷廣西旋晉湖廣叅議按部長沙臥病卒先是

荆州司榷務者多以污敗公至則徵課所入語

籍記貯郡庫吏胥毋敢爲奸嘗有蜀商連大上

爲桴浮江而下猝以水汎桴解巨猾乘機掠

之投匿遼府公廉得之具疏啓王王出其入

置于法商人多稱頌焉其僉憲貴州也寔治

南思南俗雜華夷易動難靜公鎮以寬和示
整暇反側遂定繼而被命採木觸冒瘴癘躬

拊循其年董貴州試事為御史所劾遂劾歸
而御史以不法敗乃遷廣西晉湖廣初公由
時夢賈太傅投刺來謁談長沙事甚悉至是
殞于長沙

嘉靖二十五年丙午科

查光述 第二名經魁丙辰進士號龍山

初為諸生有盛名家居蕭然而操守彌勵既
第授寧波府推官屬有倭夷之亂數奉軍門
練鄉兵飭城守大計悉自公區畫賊眾竟以

定遂擢江西道監察御史巡視光祿俄以
子孫蕭然如故

孫樓 舟之孫字子虛號百川

少有奇質明悟若神年十餘齡屬俗忌以
二十五日上帝錄人善惡竟日不飲食為
作皇鑒辨由此名大起嘗游北虞邵先生
有撰述北虞謝不逮未幾遂相伯仲云既
試益工古文辭其才甚敏或與賓客相對
占授侍子令書書者恒不給比七試南宮幾捷

者四而皆以他故不果遂謁選得湖州府推官
有豪居瑋理里爲姦利事橫甚公廉得逮訊
待報卽榜殺之磔于市市人俱稱快焉時歷下
李千麟同郡王元美相繼爲憲副雅知公文學
數從衆中稱譽于是監司以下有所譏者悉推
公爲之爲郡寮所伎以蜚語中公當得調遂拂
衣歸性好滑稽每讌集時出雅謔四坐爲之捧
腹又以滑稽寓之文章有麗詞百韻流傳人間
竟坐此落第又所著有詩文集十二卷吳音奇

字四卷藏于家卒年六十九

陳瓚

復之孫字廷裸號雨亭丙辰進士

初任江西永豐知縣節惠愛民其下戴之嘗從
聶貞襄公羅文恭公游相與講明良知之學徵
爲刑科給事中尋進左察視京營前後所上疏
議俱著爲令甲 肅皇帝性嚴多忤往往輕去
中外臣凡三十年多老岩穴而死者御史凌儒
請收錄之已受廷杖削籍會京察後公復上疏
請黜遺奸以重銓司採遺賢以克器使 上恚

甚亦杖之六十謫爲民隆慶初起吏科左給事中言事益激切是時徐文貞公當國與亞相高公拱不相能公上疏極論高公宜罷得如公指亡何遷太常少卿後高公再起用事公遂移病歸高公修舊郤左降爲洛川縣丞不赴又十五年而江陵相卒一時搜剔巖數諸賢公遂再補會稽縣丞尋改漳州府推官再遷南京禮部郎中公始爲之一出尋超進南京通政司叅議復召爲太常寺少卿未至改右通政尋轉左再轉

南京太常寺卿蒞任甫一月召爲都察院左副

都御史屬大計羣吏精行簡斥遷刑部右侍郎

轉左時有嬖戚之喪弔者麇至而公獨不往亡

何卒于官年七十有一公佐臺臺綱凜然其佐

法曹操執不撓貌稜稜嚴冷若不易親與之杯

酒笑談春溫諳如也小欲狎以非義又勃然見

乎色矣百折不爲挫真偉人哉所著有濟美堂

集六卷行于世贈右都御史謚莊靖祀名宦鄉

賢子禹謨舉鄉薦

王公世貞撰志
王公錫爵撰神道碑

聞樟

號敬節本徐姓鞠于外王母家故從聞

郁廸

勲之姪號月沙

徐棻

字世寅號鳳竹丁未進士居徐市

是科查公得魁選而同得雋者又七人縣令書

二扁懸于學宮一曰八龍齊奮一曰單鳳高飛

其謂單鳳者蓋指查公也而次年春闈聯捷惟

徐公一人蓋公別號鳳竹竟成單鳳之讖云

初任宜春知縣擢兩江湖廣道御史謫浙江布

政司都事遷建寧川推官饒州府同知晉浙江

按察司僉事再進叅議內艱歸服除補河南轉

湖廣提學副使吾邑二百四十年來其爲文宗

者惟公一人而已遷雲南右叅政轉按察使再

轉右布政使移山東尋擢應天府尹未上拜都

察院右副都御史巡撫江西入爲南京工部右

侍郎久之兼右僉都御史治山東膠河未竟改

兵部右侍郎仍兼僉都提督軍務巡撫浙江召

爲刑部左侍郎方候代而拜南京工部尚書未

上以言者歸待用于里居二歲而卒年六十三

公歷中外臺更撫三方凡十五政大要爲民揀
灾捍患而崇尚節儉以身先之其視楚學政嘗
表先賢祠墓如黃叔度周茂叔諸公皆自爲之
記其撫江右時以饒困于甕而甕于猩紅尤不
易上書力言之 天子爲之勉淺其色而裁其
數饒人德之撫浙江修築海鹽隄二十餘里論
功有白金文綺之賜又嘗上疏請以新建伯王
文成公從祀孔廟未報公沒後始行之天性孝
友事諸兄如父視諸從子如子極意培植今其
族衣冠繁盛遂甲于吾邑焉所著有集若干卷
奏議若干卷所輯有大學衍義纂要又嘗惡宰
牛者凡蒞官必禁止而刻勸善錄俱行于世蔭
一子推予其孫昌祚任刑部郎中從孫待聘舉
進士待時貢生

按王公世貞撰公傳云當公拜南御史而楚人
王宗茂者亦爲南御史瀕行宰相嚴嵩置酒召
兩公盤殮具水陸宗茂多不能名恠而問公公
微笑曰海外物也若何由名宗茂抵南京未幾

而極論高父子公嘗更定疏草數字而疏辭有
設宴而水陸畢具皆海外物語高聞之遂恨公
亡何嵩所私趙文華者備倭督察南中公上書
論兵事頗言其失計甚切文華亦恨之遂因風
霾大計謫公浙江都事其為饒州郡丞嘗攝郡
禱雨雨澍拜火火滅郡士人異之譜之詩曰雙
異集自是擢僉事尋江右大盜起戚將軍繼光
將兵討之以公監其軍遂大破賊 詔賜錙幣
在海六年不得移近地會徐文貞公去位而高

新鄭拱用事其兩人若水火謂公與文貞皆南
人也而獨留滯滇當無所附麗遂連擢公以塞
南人意而公寔不義新鄭所為又以花園洞賊
為江右患發兵討平之捷聞再賜錙幣山東漕
河闕羣臣扼腕而談海運而南大司空劉公應
節者故山東之萊人熟登萊事公亦諳習海道
各上疏具言其利便公遂兼憲職理膠河用軍
興法不能亡所募發人乍見以為擾爭言不便
遂罷役而撫浙之命下 大海塘既成時又有誠

倭之捷再獲鉏幣之賜後江陵以奪情怒言者
公與陸公光祖並上書規之江陵弗悅也是以
有里居命亡何而事大白廷議且以南大司寇
起公而公以齒風卒矣

洪度

號一溪

錢庶

泮之從弟字國徵號三溪庚戌進士

公以庶出故名庶少有童心兄昇勸之讀不從
年十六會從兄泮舉于鄉鼓樂騶從烜赫門外
公羨之遂感奮下帷櫛沐俱忘飲食幾廢五夜

青燈伊吾不徹竟成進士初授行人司行人被
命往河南省葬崇善君時有段某者為公同年
友相善適為令河南有邑豪杆文罔段將置之
辟而欲籍手贈公豪斁千金逆旅中為公壽公
正色却之役竣歸里中尋卒年僅三十五無子
居祿園

鄒察

字明卿號廉渠癸丑進士

有國初進士鄉立誠者其族也祖居東始庄至
公父齡始僦居郡城由長洲籍中式初任信陽

州知州陸工部員外晉郎中遷 知府性至

孝兢兢持身志向明遠惜未竟其蘊卒

嘉靖二十八年己酉科

邵圭潔 字伯如號北虞工制舉義匠心獨妙名

彪映天下策論尤奇拔古練雅攻古文詞不斤斤細削而清婉摩切參軌名家既五上公車馬文莊公得公卷大奇之擬薦第一會所騰進二三場皆譌偽不可讀遂復棄去謁選得德清縣教諭卒于官年五十四所著有北虞集若干卷

又嘗應部使者聘緝經濟錄皆國家石畫今行于世百川孫先生嘗師事之二公名相伯仲而皆厄于春官不第海內有遺珠之憾焉
子登舉進士

陸勳 字體堯號華南居唐市初授江西德安

知縣內艱歸服除補湖廣雲夢縣調繁臨湘縣
初建兩邑城堡又能賞識鄒觀光于諸生中陸
四川威州知州再遷烏撒軍民府同知政仕後
觀光在吏部移文兩臺入公雲夢名宦祠

程大廉 大經從弟號栢山由長洲籍中式

初任上高知縣陞荊州府通判

錢有成 字惟重號兼山庚戌進士居郡城

歷任刑部郎中今壽八十餘

錢之選 由順天中式字舜臣號復軒庚戌進士

丑奚浦 其事可作傳奇

公文名表以事繫獄公日走控上官莫能解父病于獄公朝夕入視湯藥父聞走訴京師則公入獄代繫而母王卒于家公哀懇出獄勉襄大事

復就繫居圜日手一編伊吾不徹父歸始得出時家產盡廢公乃親樵負以供父朝夕迨父戍遼左公追隨萬里備嘗險艱至玄菟有千戶延爲師萬戶妻以女得籍鐵嶺衛爲諸生七試皆第一監司勅書院于開原令教授諸生歲所得廩飯遇南歸者輒寄奉二祖亡何得聯第進士初授晉江知縣喜搏擊爲治有鉅姓蝥公改調河南固始縣權刑部主事理漕刑尋改兵部晉武選司郎中卽上書頌父冤得昭雪因得

封父如其官遂 予告終養父子同晝繡歸時
人大奇羨之居家杜門讀書不投公庭一刺時
大司馬楊襄毅公方擬公寧夏兵備而公忽得
疾卒年五十二公閑家甚奇方在刑部視獄妻
妾在舍值風烈所絨識薄蹠稍觸損妻妾皆惶
遽經死有一婢亦自裁 世廟聞之使人廉其
事以公在曹置不問其後御姬媵益苛室人重
足屏息多不良死最後一室不受繩或罵詈卽
反之公不得已托郊行約友人篡取之去此其

事甚怪然孝行甚高自不相掩

從子希言有詩名

嘉靖三十一年壬子科

陸一鳳

隆恩之孫第五名經魁字子韶號三泉

初授泉州府同知泉故濱海歲屢中倭而公所
治海防始行地謂料羅澳賊衝也而當上游乃
簡勁卒爲水寨戍之而櫟衝翼其外旣而他海
舟皆以颶敗而公所部獨亡恙尋受臺檄偕諸
將來討海酋林鳳大破之覆其巢 詔賜白金
一鎰凡三著府篆再署晉江南安以至清戎籍

理屯政課鹽法俱能舉職最後攝永春再攝德化往來山谷嵐瘴間遂苦痢卒于官年六十三公博學有文尤精于三禮所著有三禮與義令祀鄉賢入泉州名宦祠孫崇禮問禮俱進士

劉泉 字漸甫號蒙山癸丑進士任嚴州府推官嚴州產斷腸草愚民多服草毒誣人抵償公刻石嚴禁又嘗出寃獄數人民尸祝之尋卒于淳安官舍年四十四縣令馮汝弼經紀其喪

嘉靖三十四年乙卯科

時有倭夷之亂

葛邦典 第五名經魁丙辰進士字叙卿號育菴初任工部主事典節慎庫庫主少府水衡錢出納時 肅皇帝方興三殿工諸司所進贖緩及權稅歲數百千萬俱自公操其筭久之晉刑部員外郎逾年改兵部職方郎外艱歸服除補原官晉武庫司郎中遷汝寧府知府有屬吏某素憾公至是入爲御史戊辰大計遂劾公罷歸家居垂二十年而卒父覃貢生

桑大協 介之子字華甫號守白

初授清流知縣陞杭州府通判轄少府尚衣事
居亡何以訊鹽商事忤理齟使者遂致仕當公
少時父滋陽公器之謂曰汝才當顯卽無論金
紫乃銀青自吾家故物至是果不失銀青由淪
齋公而下三世四鄉科

何鈞

字子宣號左泉初授浙江平陽知縣陞

南京錦衣衛經歷遷淮府長史公任平陽六載
自常祿外不以寸錢尺布煩民居鄉好行其德
一遇凶疫必掩骼施棺恂恂謙厚雖小夫孺子
與之講鈞禮每觀風使者至廉其善狀爭以扁
額褒揚之卒年七十九居何市卽其父墓所創
也弟鑛舉進士猶子允濟舉鄉薦

錢順時

己未進士字道隆號行所居奚浦

兵部觀政賞金賑遼東給假歸尋卒年二十九
吾邑甲科諸先達更無天于公者公年雖少然
自彖緯輿圖暨醫藥卜筮諸方伎無不該洽尤
好談星命多奇中甫登第遽曰吾命金爲祟恐
不脫矣果如其言

常新志 卷一
錢大法 順時之族弟字元常號養吾居祿園

王嘉言 由江陰籍中式字君謨號笠洲壬戌進

士初授肥鄉知縣憂歸服除補曲周縣擢工部

主事會 莊皇帝謁 永陵大司空屬公治行

官事竣有金幣之賜請改南遂得南禮部主事

晉至郎中遷浙江按察司僉事備兵寧台紹公

爲儲糗糧練士卒適島夷突入公庀賦以進有

所擒斬遂宵遁再晉其省叅議移鎮溫處處多

曠盜嘯聚攻剽公不介而馳盜悉解散去前後

俱有金幣之賜以病乞休尋卒入肥鄉名宦祠
陸士鰲 乙丑進士字巨卿號雲和

初任鍾祥知縣陞刑部主事今籍長洲弟士鱗

癸酉舉人

嘉靖三十七年戊午科

何鑛 鈔之弟字子敬號雍山甲戌進士時年

四十九居何市

初任興化府推官丙子與福建場事事竣尋卒

于官年五十一公篤學勵行日手一編不知人

間有求田問舍事登科十六年而旁畝無所拓

理刑興化益敦清謹會有西河之威悒鬱以卒
問索不能具棺歛同年李多見輩代爲經紀始
得扶櫬歸士林俱嗟惜之有詩文集散佚不傳
陸竹 經之族本黃姓後改名黃廷竹號暘峰
任奉化縣知縣

趙用賢 承謙之子字汝師號定宇辛未進士

初應翰林庶吉士首選尋丁內艱服除授檢討
丁丑分典會試是時宰相張居正父死不奔喪
公與編修吳中行各上章論劾忤 旨廷杖六

十削籍爲民居正歿起用原官晉右春坊右贊
善是時正人吉士引繩而起公與諸君子欲悉
返江陵故轍若不能俟終日于是忌者遂以朋
黨攻公公請去不允進經筵講官分校會典冊
封 鄭府繁昌王事竣擢司經局洗馬管國子
監司業事丙戌再分典會試纂修 玉牒再晉
右春坊右庶子兼侍讀當公削籍時廣詢父老
知吳賦所以偏重有不盡隸部額豪胥伏蠹有
不可勝言者至是條東南十四事上之會有言

南人不當言南事者遂寢陳莊靖公瓚嘗梓行其疏稿是秋主武試尋陞南京國子監祭酒兼少詹事 大典成有白金文綺之賜嘗校刻史籍又特舉隱行鄧元錫劉元卿創革除忠節黃公觀祠以風世陞南京禮部右侍郎轉北兼翰林院侍讀學士再轉左教習庶吉士改吏部左侍郎有監生吳鎮以絕婚事許奏公遂三疏懇歸居二年而卒年六十二公剛直好義每語及人才國是輒為感憤歎甚則廷諍可否面相

是非卽遇貴顯頰背裂無所避然而任事太銳嫉惡太嚴風格太峻故世之稱公者以此而忌公者亦以此居家時與王元美先生相切劘爲古文辭有集若干卷藏于家又嘗校刻管韓二子合集行于世今贈禮部尚書陰一子琦美蓋異數也仍祀鄉賢 唐公文獻作傳

顧堅

已未進士號栢岳初任洛陽知縣陞工

部主事今籍吳縣

嘉靖四十年辛酉科 時吳中大水

殷濡

字子霑號養貞戊辰進士時年已五十

五矣嘉靖戊午巳中鄉榜會殊墨號少訛時瞿文懿典試疑焉且放榜輒棄去而以江寧李維新代之又三年始得售比戊辰成進士而李維新亦在榜中兩人相視而笑初任南雄府推官時給事中張博嘗令常熟于公有私憾遂短公于執政謂老不任中朝官遂遷廣西思明府同知量移廣東雷州府庚午癸酉丙子凡三科俱與鄉試事陞南京工部郎中左遷陳州知州卒于官年七十生平恂恂于于望之知爲長厚士然仕途多齟齬身歿後從子攘其貲子好賭敗其貲遂至無家

仲舉之

號龍海居海濱乙丑計偕卒于德州

王虞

號雨槐居海濱好蓄古書而志趣亦不

群寡姊適陸氏者公迎養于家併鞠姊子爲子如已出以至成立

沈應科

字獻夫號全吾辛未進士居支塘

初任沂州知州擢南京兵部員外晉郎中遷廣東廉州知府陞福建按察司副使再陞廣西左叅政今懇疏致仕

周光廷 光宙之族弟號文海初任河南襄城知縣左遷江西布政司都事再陞浙江泰順縣知縣卒年七十 祖澆貢生

沈汝爲 韓之孫號麟洲任黃巖知縣凡四月挂吏議而歸卒年七十一嘗有劇盜王湯者潛踪華蕩殺人崔苻有司莫能禽制公言于御史李公堯民執而扑殺之閩邑稱快焉

施元孝 雨之子本桑姓字子純號仰峯由順天中式初爲諸生試有司不利遂游北雍甫兩月遂得雋前是父雨以哭仲子目幾盲及報至復炯炯後父母相繼歿哭之慟數絕而復甦嘔血數升因此病肺更三年瘡而死蓋死于孝不忝元孝之名年四十三無子撫其內弟爲子

嘉靖四十三年甲子科

陳子忠 壁之孫號景言第四名經魁

少稱神童年十二游膠庠五十二始舉鄉試初
爲諸生究心理學每監司蒞學公爲講四子監
司色動觀聽者亦願解旣掄魁所刻硃卷至今
人傳誦之所撰古文辭多宗兩漢有潔癖杯茗
甌筋出則携以自隨好古硯不惜重價購求每
上公車輒携端歛數十旅邸食次必列硯于前
時爲把玩丁丑計偕卒于徐州年六十五公貌
修長白哲風度凝然而博雅清純縉紳俱推重
之身歿未幾硯隨散失有子不祿人琴俱亡惜哉

周書

後復姓陸號南園初投牒爲吏周解元

光宙固強之讀書乃卒業後任清江知縣陞王

官歸

章有成

本孫姓禹之曾孫字成德號珍川授瑞

安知縣考最賜宴賜金加五品服俸仍治瑞安

亦異數也政尚樽節而惠愛惓惓遷夷陵州知

州區處荒政俱有實惠及民外艱歸科臣以循

良薦尋起復嚮用竟卒于家

繆元亨

號維山父熊貢生母崔氏壽登百歲兄

元吉廩生壽亦九十二

錢順德 順時之弟乙丑中式戊辰進士字道充
號春池初任刑部主事晉員外外艱歸服除補
本部郎中遷常德府知府改九江府內艱歸復
補興化府尋遷浙江按察司副使備兵嘉湖自
陳改金衢尋改調山東武德戊戌再當改調適
二子相繼夭歿遂致仕卒年六十六

顧梁材 號怡園戊辰進士世居常熟後爲郡諸
生因遷郡城今籍長洲歷官南禮部郎中

隆慶元年丁卯科

郁逕

逕之從弟號澄泉亞魁有從子名鎬號

定玄美秀而文天工人巧可稱竝妙而意氣亦
睥睨一世竟夭死年僅三十一士論惜之

蔣以忠 岳之曾孫戊辰進士字伯孝號貞菴

初任長樂知縣長樂故瀕海劇邑民所患苦者
諸橫征苛罰之條公下車政尚廉靖一切罷去
邑故有濱間二湖週遭灌田千頃諸豪猾竊據
水利遂壅公執下于理大加疏濬民賴其利陞

南京刑部主事會巨瑞其僞稱選良家子充後
宮部使者覺而執之瑞托權貴關說其間公不
爲動竟論死晉本部郎中外艱歸服除再補刑
部有尚書子太學生其使酒殺人亦托權貴關
說公不爲動亦論死遷廣平府知府廣平屬畿
以內股肱郡然地高阜多苦旱民或艱食群起
爲盜或白晝殺掠吏民公爲建閘置倉經理諸
荒政無不具舉盜亦衰止鄉薦紳蔡公國熙者
嘗守蘇州有惠政歿未幾里人魚肉其子弟公
爲卵翼之蔡得瓦全遷福建按察司副使未上
卒公居官廉介內行修潔其人若嚴冷或以貴
倂目之而中實寬和居鄉不妄投縣官一刺有
文名所著有藝圃球瑯行於世有清權山人諸
集藏于家今祀鄉賢入長樂名宦祠

蔣以化 以忠之弟號養菴

初授孝感知縣擢監察御史諱告歸居內艱服
除補原官出理淮揚鹽法今遷朝

黃明

甲戌第十四名進士字道登號瞻吾

奚浦初任邵武知縣調繁閩縣聞爲會城劇邑
多豪右飛說逋負莫可詰問公按籍履畝首定
度田之令吏莫得因緣爲奸凡一再分典福建
鄉試事陞南京工部主事晉南京刑部郎中遷
廣東南雄府知府轉山東鹽運司副使懇疏致
仕時公父母俱亡恙凡三膺封誥人皆羨之公
爲人清約和厚從粵歸惟有英韶間竒峰怪石
耳有方伯宦粵者以重橐寄公而其家弗知也
居亡何而方伯卒于官公呼其子畧之封識寃
然歸田六載絕不問戶外事卒年六十四舉子
俱不育中郎之姪僅存伯道之厄難解嗚呼惜
哉

錢岱

庶之姪孫辛未進士字汝瞻號秀峰居

祿園初任廣州府推官擢監察御史查刷光祿
寺巡按山東再巡按湖廣俱典鄉試事外艱歸
今致仕子時俊舉進士

嚴治

大學士訥之子由順天中式字道隆號

洞庭

公爲人清約簡澹謙和謹厚間里中驟而卽之不知其爲貴人子者視聲華勢利漠如也當文靖拜冢宰而公自北雍歸往返燕吳薦紳雲合不接一謁刺有某公獨不修謁而素有節介聲公特稱賢于文靖得以異等擢有桀黠某潛以千金爲壽公正色曰若豈無耳吾翁謂何而敢奸命亟屏斥之後謁選授文淵閣修文館中書舍人閣諸中舍此爲最優故事非宿著文學之譽者不以授而公意快快未幾竟拂衣歸卒年

六十九子十一人

瞿公汝稷撰狀

程蒙吉

式之玄孫字正伯號山泉由歲貢順天

中式時年五十四矣

初授餘姚縣教諭庚午分考湖廣旋陞建德知縣未上下外艱歸服除補河南唐縣愛民節用唐民安之會有持臺檄過唐者失所望遂銜公公何再改山陰教諭尋復分考四川還任有張秀才寃獄公厲詞色白于上官緣此失上意尋罷歸蕭蕭布素恂恂自牧始終一如書生卒年

七十三

嚴公治撰志

張時成 由順天中式號文湖 從兄勲貢生

金應照 初周姓辛未進士號賓暘今籍吳縣

初任蘭谿知縣陞刑部主事晉員外遷山東僉事左遷開州知州再陞廣東僉事卒子維基丁

西舉人

隆慶四年庚午科

蕭應官 奎之族字仲和號觀復居河陽甲戌進

士初釋褐尋丁外艱服除授刑部主事晉至郎

中遷東昌府知府擢潼關兵備副使調山西丁

內艱服除補固原兵備再調潼關陞叅政調陝

西再調朝鮮防倭前後兼叅政如故今謫戍

葛邦弼 邦典之弟字右卿號養予特年四十八

矣又十年授歸州知州有惠政州人立碑以志

去思陞廣西南寧府同知前是安南貢方物歲

例有餌典郡者因大索犒于郡縣公移檄關吏

令納貢物外一無所入復諭諸夷曰而貢分也

而犒胡爲予守土分也而賂胡爲予終不越分

以爲私諸酋俱儼伏丙戌入覲卽致仕卒無子
公兄弟俱以曲臺禮著聲其仕宦俱止于府而
一爲南寧一爲汝寧其卒也俱趙公用賢誌墓
享年俱六十八亦奇

衛之教 時年十 後改名勳字崇之號檢吾已

丑進士凡七上公車國初御史浩之族世居東
塔寺前後徙居吳縣初授中書舍人遷工部員
外權稅杭州外艱歸尋卒

萬曆元年癸酉科

是科吾郡南榜共四十人後登進士二十六人
而吾邑二魁五舉是郡邑絕盛事因記于此

袁應陽 第四名經魁字道饒號明菴癸未進士

少失母與其兄應春俱孤苦伶仃夜雨寒燈抱
頭飲泣嘗就食于諸父不得後公兄弟旣貴猶
啣之切骨公少有雋聲美丰儀善記誦以遺童

入試得游庠甫登進士旋丁外艱與里人闕氏
構訟累年始決服除任刑部主事爲海豐楊太
宰所器擬調吏部有執政者格之遂改兵部武

選司尋陞員外郎會寧夏兵變將帥雲集而公所簡用具稱得人辛卯夏賚餉塞外間闕千里觸炎熱邁病卒于京無子初欲買妾京師而伊妻某妬悍之極多方檢制公益憤懣至是感恚冒暑遂不起年四十七兄應春舉人

錢達道 岱之族弟第五名經魁字五卿號培垣居奚浦初授浙江新昌知縣以迴避改山東曹縣再當迴避尋遷霸州知州再遷兗州府同知左遷道州知州復當左遷今致仕

陳國華 迨之孫字堯佐號珍凡甲戌進士

初任南京刑部主事晉至郎中左遷東平州知州壬午分考山東鄉試陞湖州府同知丁內艱服除補廣信府同知陞工部員外告南改兵部晉郎中遷廣州府知府今改調

顧雲程 字務遠號襟字丁丑進士居均墩村

初選浙江定海知縣未上尋丁內艱服除補淳安縣調繁嘉興縣權監察御史遷江西按察司僉事陞貴州叅議再陞雲南副使四川叅政遷

霸州兵備叅政今任整飭永平燕河台頭石門
山海四路屯田水利海防山東左布政加從一
品俸陞南京太常寺卿

湯有光 字子韜號虞淵時年四十九

初授莘縣教諭聘典湖廣陞長清知縣

黃用賢 本顧姓號重菴初授青浦縣教諭

陞新蔡知縣壬辰罷官卒年六十三

黃時雨 字化之號潤寰甲戌進士

初釋褐尋丁內艱服除授刑部主事慮囚三輔

晉至郎中時江陵相治尚嚴切而公獨尚寬平

郡國獄上多所平反有山西賈人誣訴外戚公

鞠誣抵罪 仁聖皇太后聞知特賜尚方食遷

廣東惠州知府惠疆界無法公嚴核所屬履畝

籍田里無藏畝畝無藏賦賦不由田者籍除田

不克賦者額減又罷免鐵稅八百餘金惠人德

之其俗重利而輕耻有女子貿易市中者公嚴

其禁靖難死節有王御史度者子孫多戍粵公

檢核得三十五人應寬卹之詔俱脫戍籍仍建

祠祀王公惠有岑岡故嶮遠而其酋有江月照者擁衆剽掠格敗官軍鞭執郡倅以下勢張甚公與中丞連江吳公定計擒之俘斬生降者無算自此巢寇遂絕遂遷廣東按察司副使再平海寇李茂陳德樂之亂事聞俱有白金之賜與寧有宦家子坐法公按律論死會公入覲持三千金祈免公大怒罵絕之再遷雲南左叅政時年未及艾念親老遽以終養乞休嘗與王氏爭墓道積不能平斬其丘木壞其藩垣而王氏子孫亦毆公于通衢構訟累年始決公生而口吃然遇時事有不平則期期艾艾伉慨直言非公事不謁郡縣卒年五十九

萬曆四年丙子科

陸枝

字達卿號培吾居畢澤初授桐鄉知縣

陸夷陵知州再陞廣西平樂府同知未上懇疏

致仕

張仲孝

文鳳之族字伯達號純所初授浙江泰

順縣知縣調繁蒼巖縣今陞杭州府通判

丁應時

字天卿號錦山善于奕性瀟洒而有大家

志不欲頽就鄉科選卒年五十六 祖沐貢生

王之麟

由常州府學選貢中式字汝禎號雲峰

丁丑進士居石塘初任刑部主事慮囚淮楊多

所寬貸晉至郎中遷撫州府知府撫故健訟公

徐剖曲直復委婉開諭自是刁風衰止歲苦旱

公爲理荒政調亂民皆規畫中窾內艱服除補

廣信府治如撫晉湖廣按察司副使避籍補浙

江治軍伍郵傳時承平既久所在戎伍空虛公

躬爲稽覈里胥無敢請寄爲奸者自驛禁稍寬

士大夫非奉使而乘傳者接踵于途而豪奴宿

猾僞持軍中羽書恐喝供應者往往而是公堅

持司馬法一無所濫給郵人稍得息肩再遷山

東督糧叅政時山東大饑公請賑請蠲民得免

流徙益都令吳宗堯上疏言礦稅貪暴狀被逮

繫 詔獄事下兩臺會勘公第署其不諳世故

拙于保身士類爲之增氣又中使嚴括庫藏東

阿寧陽議以倉穀畀之公持不許忽遘奇疾寢

興若有鬼物能使齊諧。怪竟卒于官。公丰度淵疑神氣夷粹生乎無邪。邪之好有先民典刑。雖甚有口者不能瑕瑜之也。

萬曆七年己卯科

聞大道 改名龔聞道。癸未進士。號玄圃。居太倉。

初任浙江東陽知縣。尋卒于官。無子。

初公就童子試。縣令留公。震臣大嘉賞之。有以冒籍攻之者。留力爲護持。暨游膠庠。自應試。以至鄉科。甲科三試。皆二十六名。亦奇。

邵鏊 圭潔之子。丙戌進士。字麟武。號墟蓮。

初任武昌府推官。戊子分校湖廣鄉試。尋告終。養內艱。服除。補保定府推官。遷南京兵部主事。晉郎中。當左遷。今致仕。

陸雲龍 號起膠。居無錫。

初授江西宜黃縣知縣。當左遷。今致仕。

潘世榮 號象岡。卒年三十二。無子。兄世美貢生。

馬鳳 號荆吳。時年四十九。公底回鄉。校三十年。不得一與場屋。是科以遺才入試。隨得雋可。

謂一鳴驚人而其人亦長者然八月報捷十月告終首尾僅六十日慶者在門弔者在閭矣孫公樓誌其墓云天既厄之又胡昇之才耶既成之晚又胡奪之速也然第亦死不第亦死令不第而死世孰知有馬公者

萬曆十年壬午科

陸化淳 第二名經魁壬辰進士字君復號湛源居五渠初任二部主事提督南旺等閘晉至郎中遷浙江金華府知府今懇疏致仕起用

袁應春 應陽之兄字伯生號仁菴性慧直頗有熱腸然以惡疾終又兄弟俱無子俱受制于內人多惜之

萬曆十三年乙酉科

顧雲鳳 丙戌進士字伯祥號瑞菴

初任四川潼川州知州戊子分校四川鄉試陞刑部員外外艱歸服除補工部晉都水司郎中今提督儀真南河陞濟寧兵備叅政

袁光宇 丙戌進士字元讓號養冲 祖懋貢生

初任孝感知縣調繁烏程縣遷工部都水司主
事未上尋被命提督徐淮中河晉至郎中是時
黃河日壅水灌于淮浸入 陵寢河道尚書楊

公一魁方主分黃導淮之議役民數十萬費水
衡錢數萬而袁公驅馳調度其間竟以勞致疾
請告歸一夕奄逝公清標雅度精勤吏治以幹
辦稱仕宦十年又多掌財賦而比其歸也欲營
一菟裘買宅隣近業已成券而謂橐不能償事
竟寢其清白可知然丙子游庠丙戌登第丙申
物故亦一奇也卒年四十以死勤事贈太僕寺
少卿

周琦 丙戌進士號景韓未經廷試卒無子爲
諸生時熟于通鑑綱目所著有碧梧館論最號
淹洽而筆亦古勁

是科三公俱聯捷前此未有也惟洪武辛亥開
科則四公俱聯捷耳

萬曆十六年戊子科

翁愈祥 戊戌進士字兆和號泰輿居廟橋

常寧志 卷一
初任山東鄒平知縣調繁浙江會稽內艱歸服
除今補清豐縣

何允濟 鈞之姪字商榷號還赤居何市

張萬齡 號龍淵居頂山

張世昌 字盛胤號斗垣

陳允恭 字敬夫號文水初授山東平陰縣教諭

陞浙江宣平知縣左遷四川布政司檢校今丁

憂 兄允中吾生

孫文龍 已丑進士字明卿號見田由太倉籍中

式居支塘初任河南儀封知縣擢南京工部主
事晉郎中遷湖廣承天知府告終養歸尋丁外
艱今致仕

父忠貢生事見歲貢志恩綸志

是科有陸從龍者貴州都勻衛旗籍常熟人字
開陽號啟明由貴州中式亞魁祖璋由選貢任
湖廣岳州府通判祖天衢嘉靖丁酉舉人任四
川成都知縣父書嘉靖乙卯舉人任河南新安
知縣弟德龍庚子亞魁

例當附載

別有登進士者載進士題名志後

萬曆十九年辛卯科

管一德 第二名經魁字士恒號瀝川居橫瀝塘

陳禹謨 瓚之子亞魁由順天中式字錫玄號抱

冲授河南獲嘉縣教諭癸卯分考陝西鄉試陞

南京國子監學正今陞兵部司務

翁憲祥 愈祥之兄壬辰進士字兆隆號完虛居

廟橋初任鄞縣知縣甲午分考浙江鄉試壬寅

擢禮科給事中內艱歸服除今補吏科

徐待聘 拭之姪孫辛丑進士字廷珍號紹虹

初任樂清知縣癸卯分考浙江鄉試今調繁上

虞縣

歸紹慶 字餘之號晴岱居歸家堡即其大父謨

所築也

萬曆二十二年甲午科

張大受 仲孝之族弟字君可號鴻所

沈從本 戊戌進士字道生號立吾

初授中書舍人卒于京年三十四公謙厚周慎

發于天性仕途鄉黨俱愛敬之然客死天死暴死貧不能具中人產而胤嗣亦絕天之報施善人其何如哉

陳繩武 寰之曾孫字爾繩號克符

萬曆二十五年丁酉科

陸崇禮 一鳳之孫戊戌進士字孟敦號衷抑

初任龍溪知縣是時礦稅四起而中使為暴于閩中尤甚公與之相左中使露章奏聞幾蹈顯禍得撫臣調護改調浙江平陽縣卒于官年三

老三十七第二十三葉上

十一公少年登第不無崖岸遂與世稍齟齬而其崖岸尤獨用于中貴以此調官遘疾蘭摧玉折惜哉

程玉潤 宗之從姪孫由選貢中式字鉉吉號珍

素

瞿汝說 景淳之子字星鄉號築野登辛丑進士

居五渠給假歸丁內艱服除今任

許時省 河之姪孫字魯鄉號箕山居唐市

陳星樞 國華之子字漢文號拱薇

常熟志 卷之七
顧大章 雲程之子字伯欽居均墩村

萬曆二十八年庚子科

翁應祥 憲祥之弟字兆吉號昇字居廟橋

陸問禮 崇禮之弟字仲謀號衷虛登甲辰進士

初任永嘉知縣

顧雲鴻 雲鳳之弟字朗仲號鳧乙

管日新 一德之從姪孫字伯循號條玄居橫瀝

塘

錢時俊 岱之子字用章號仍峰登甲辰進士居

祿園給假歸丁內艱

萬曆三十一年癸卯科

戴元威 字鳳伯號翔虞居

是科有青衿鼓譟之變郡守棄職歸邑令改調

去諸生逮繫多瘦死者有 詔停勒常熟科舉

以故得雋者止府學一人

萬曆三十四年丙午科

錢謙益 順時之孫字受之第三名經魁

陸化熙 化淳之弟字羽明號濟源亞魁居五渠

常熟志 卷之十一
吳汝第 歲貢可大之孫字及甫號景益居梅李

徐待任 待聘之從弟字廷葵號季玄

孫森 樓之從弟字子桑號蘭晚

已上五科如甲午之陳丁酉之如陳如顧庚子
之如顧如管癸卯之戴丙午之錢俱由府學中
式而前是自丁卯後至辛卯凡八科而府學無
一人得雋今亦棄除之數也

文獻志第五卷終